

ТОШКЕНТ ШАҲРИДА ЯНГИ ЙЎЛ ВА КЎПРИКЛАР ОЧИЛДИ



Президент Шавкат Мирзиёев 3 май куни Тошкент шаҳрида барпо этилган янги йўл инфратузилмаси объектлари ва Ички ишлар вазирлигининг Ситуацион-таҳлилий маркази билан танишди.

Муборак Рамазон ойда янгиликлар ва яхшиликлар кўп бўлди. Ҳайит кунларида Тошкент шаҳрида яна бир мажмуа — янги йўл ва кўприklar очилди.

Давлатимиз раҳбари дастлаб ушбу транспорт иншоотини бориб кўрди.

Унинг курилиши 2020 йил августда бошланган эди. Лойиҳа доирасида 6,5 километр узунликдаги 6 тасмали автомобиль йўли, 6 та кўприк қурилди. Бу орқали Сергели

туманидаги Қипчоқ кўчаси Яккасарой туманидаги Чўпонота ва Усмон Носир кўчалари билан самарали боғланди.

Шу пайтгача Сергели туманидан шаҳар марказига келиб-кетадиган автомобиллар, асосан, битта йўл — Янги Сергели кўчаси орқали ҳаракатланар эди. Соатига 4 мингга автотransпорт қатновига мўлжалланган бу йўлда аслида юклама бундан катта, шу боис эрталаб ва кечки пайтларда жуда тирбанд бўларди.

Янги қурилган йўл соатига 12 мингтагача автотransпортни ўтказиш қувватига эга. Бу тирбандлик муаммосини бартараф этиб, пойтахт аҳолисига жуда катта қулайлик яратади.

Кўприklar, уларга чиқиш-тушиш қисмлари оқилона лойиҳалаштирилиб, мавжуд йўлларга светофорсиз уланган. Натижада автотransпортлар бошқа йўллардаги қатновга тўттовсиз, қулай тарзда қўшилиб кетиши мумкин.

Яна бир томони — ҳавога таъсири. Маълумки, юртимизда “Яшил макон” умуммиллий лойиҳаси амалда оширилмоқда. Лекин бу фақат дарахт экиш эмас, балки экологияни асраш ҳам демакдир. Янги йўл очилиш натижасида ҳавога зарарли газ чиқиши 3 баробарга камаяди.

Йўл бўйларига энергия тежамкор ёриткичлар, узум ишқомлари ўрнатилган. Бўш майдонлар кўкамзорлаштирилиб, пиёдалар йўлаги

ва велойўлакчалар ташкил этилган.

Шу ерда Тошкент шаҳрида автомобиль йўллари куриш ва шаҳар транспорт тизимини такомиллаштириш тақлифлари тақдимоти ўтказилди. Янги очилган йўлни давом эттириб, Сергели туманини айланиб ўтувчи халқа йўлигача 6 километрлик йўл барпо этиш лойиҳаси маъқулланди.

Давлатимиз раҳбари йўлларнинг ўтказувчанлик қобилиятини оширишга кўпроқ эътибор қаратиш зарурлигини таъкидлади.

— Ҳамма жойда йўл куриб ёки кенгайтириб бўлмайди. Кўп нарса қатновни тўғри ташкил этишга ҳам боғлиқ. Энди йўлларнинг, чорраҳаларнинг ўтказувчанлигини ошириш, рақамлаштириш орқали аҳолига қулайлик яратиш керак, — деди Шавкат Мирзиёев.

Тошкентлик нуронийлар, жамоатчилик фаоллари билан суҳбатда Президентимиз уларни Рамазон ҳайити билан яна бир бор табриклади.

— Миллий қадриятимизга кўра, йўл ва кўприк куриш — савоб. Одамларнинг узогини яқин қиладиган бу йўл ҳозирги улў айём кунларида очилаётгани ҳам қувонарли. Илгари “Сергелида 10 та уй қурса бўладими” деганда ҳеч ким ишонмасди. Охири беш йилда Сергели ва Янгиҳаёт туманларида 800 га яқин кўп қаватли уйлар қурилди, қарийб 100 минг аҳоли бошпанали бўлди. Мана энди йўллари ҳам ривожланаяпти. Ҳозир мутахассислар билан кейинги лойиҳалар бўйича ҳам маслаҳатлашиб олдик. Уларни вақти билан, меҳнатимиз билан, тинчлик-осойишталикда амалга ошира оламиз, — деди давлат раҳбари.

Президент Шавкат Мирзиёев шундан сўнг Ички ишлар вазирлигининг Ситуацион-таҳлилий марказида бўлди.

Бу мажмуа ички ишлар органларининг куч ва воситаларини ахборот технологиялари асосида бошқаришга ихтисослаштирилган. Замонавий бино қурилиб, 554 террабайт хотирага эга 18 та сервер, катта ҳажмли кузатув экранни, компьютерлар билан жиҳозланган.

Марказда “102” тизими, видеокузатув камералари, интернет ва бошқа манбалардан келиб тушаётган маълумотлар автоматлашган тарзда йиғилади ва қайта ишланади. Қоидабузарлик автотrans-

портнинг давлат рақами ёки шахснинг юз қиёфаси орқали тезкор аниқланиб, қидирув ташкил этилади. Бу тизим сунъий интеллект ёрдамида ишлайди ва инсон омили минимал даражада. Булар орқали марказ бутун мамлакатимизда жамоат хавфсизлигини таъминлашга хизмат қиладди.

Президентимиз марказдаги шароитларни кўздан кечирди, иш тизими билан танишди. Бу ерда барча ҳуқуқ-тартибот идоралари ва шошилиш хизматлар маълумотларини интеграция қилиш зарурлигини таъкидлади.

— Бу катта иш. Лекин қамров ва тезкорлиқни ошириш керак. Одамлар қачон ўзини хавфсиз, эркин сезади? Қачон турист кўпаяди? Жиноятчилик йўқ бўлса, хавфсизлигига ишонса, кўчада тартибдан тозалikkaча — ҳаммаси таъминланган бўлса. Бунинг учун барча ҳуқуқ-тартибот идоралари маълумотларини бир муштек интеграция қилиш керак. Бу интеграция кириб борган ҳар бир тармоқ ходимларининг дунёқарашини ўзгартириш зарур, — деди Шавкат Мирзиёев.

Ахборот технологиялари бўйича олий ўқув юртларида бу тизим учун кадрлар тайёрлаш, туман ва шаҳар ички ишлар бўлиmlарида замонавий технологиялар билан ишлайдиган таҳлилчилар фаолиятини ташкил этиш муҳимлиги таъкидланди. Ички ишлар тизимида “инсон омилини истисно этувчи” электрон нават, масофадан мурожаат каби онлайн хизматларни кенг жорий этиш вазифаси қўйилди.

Маҳаллаларда ижтимоий муаммоларни таҳлил қилиш, профилактика инспекторларининг кунлик иш фаолиятини режалаштириш ва мониторинг қилиш бўйича электрон тизимни йўлга қўйиш топширми берилди.

Шу ерда Самарқанд вилоятида “Хавфсиз туризм” дастури доирасида йўлга қўйилган тизим намойиш қилинди.

Давлат раҳбари ички ишлар тизимида қўлланаётган замонавий техника ва янги хизмат кийими намуналарини ҳам кўздан кечирди.

Ў.А.

Ўзбекистон Республикаси Президенти Матбуот хизмати сурати.

ЎЗБЕКИСТОН ВА ТУРКИЯ ЕТАКЧИЛАРИ РАМАЗОН ҲАЙИТИ МУНОСАБАТИ БИЛАН БИР-БИРИНИ ҚУТЛАДИЛАР

2 май куни Ўзбекистон Республикаси Президенти Шавкат Мирзиёевнинг Туркия Республикаси Президенти Режеп Таййип Эрдоган билан телефон орқали мулоқоти бўлиб ўтди.

Давлат раҳбарлари бутун мусулмон олами учун муқаддас айём — Рамазон ҳайити муносабати билан бир-бирини ва мамлакатларимизнинг биродар халқларини самимий қутлаб, тинчлик-осойишталик, фаровонлик ва равақ тилақларини изхор қилдилар.

Жорий йил март ойда Ўзбекистонга амалга оширилган олий даражадаги таширфда самарали натижаларга эришилгани, улар икки томонлама муносабатларни кенг қамровли стратегик шериклик даражасига кўтаришга хизмат қилгани катта мамнуният билан қайд этилди.

Ўзаро делегациялар таширфлари фаол амалга оширилмоқда. Йил бошидан икки томонлама савдо ҳажми қарийб 20 фоизга ошди. Мамлакатимизда Туркиянинг етакчи компаниялари иштирокида замонавий саноат қувватларини яратиш ва инфратузилмани модернизация қилиш бўйича йirik инвестиция лойиҳалари давом эттирилмоқда. Таълим ва маданий-гуманитар соҳалардаги ҳамкорлик кенгаймоқда.

Ўзбекистон ва Туркия етакчилари халқаро сиёсатнинг долзарб масалалари юзасидан ҳам фикр алмашдилар, Туркий давлатлар ташкилотининг наватдаги саммитига тайёргарлик қўриш масалаларини муҳокама қилдилар.

Президентларнинг телефон орқали мулоқоти ҳар доимгидек ишонч ва дўстлик руҳида ўтди.

Ў.А.

МУБОРАК РАМАЗОН ҲАЙИТИ МУНОСАБАТИ БИЛАН ХОРИЖИЙ ЕТАКЧИЛАР ВА ҲАМКОРЛАРДАН ҚУТЛОВЛАР

Муқаддас Рамазон ҳайити — Ийд ул-Фитр муносабати билан Ўзбекистон Республикаси Президенти Шавкат Мирзиёев номига ҳажоннинг турли мамлакатлари давлат ва ҳукуматлари, нуфузли халқаро ва минтақавий ташкилотлар раҳбарлари, таниқли сиёсат ва жамоат арбоблари, уламолардан қутловлар келимоқда.

Табрикномаларда Ўзбекистон етакчиси ва кўп миллатли халқига чуқур ҳурмат-эҳтиром изхор қилинган. Ушбу қутлуғ ва файзли кунларда хорижий етакчи ва ҳамкорлар бизга тинчлик, бахт-саодат, фаровонлик ва равақ тилаб, дўстлик ва кўп қиррали ҳамкорлик муносабатларини янада ривожлантиришга қатъий интилиш билдирган.

Қуйдагилар ўз табриklarини йўллаган:

Саудия Арабистони Подшоҳи **Салмон ибн Абдулазиз Ол Сауд**, Туркия Республикаси Президенти **Режеп Таййип Эрдоган**, Эрон Ислom Республикаси Президенти **Иброҳим Раисий**, Миср Араб Республикаси Президенти **Абдулфаттоҳ ас-Сиси**, Қозоғистон Республикаси Президенти **Қосим-Жомарт Тоқаев**, Қирғиз Республикаси Президенти **Садиp Жапаров**, Тожикистон Республикаси Президенти **Эмомали Раҳмон**, Туркменистон Президенти **Сердар Бердимухамедов**,

Туркменистон Миллий Кенгаши Халқ Маслаҳати Раиси **Гурбангули Бердимухамедов**, Озарбайжон Республикаси Президенти **Илҳом Алиев**, Бирлашган Араб Амиpликлари Президенти **Халифа бин Зоид Ол Наҳаён**, Кувaйт Давлати Амири **Наваф ал-Аҳмад ал-Жобир ас-Сабоҳ**, Ўмон Султони **Ҳайсам бин Ториқ Ал Саид**, Баҳрайн Подшоҳи **Ҳамад бин Исо Ал Халифа**, Иордания Ҳошимийлар Подшоҳлиги Подшоҳи **Абдулла II**, Индонезия Республикаси Президенти **Жоко Видодо**, Филиппин Республикаси Президенти **Родриго Дутерте**, Сингапур Республикаси Президенти **Ҳалима Ёқуб**, Сурия Араб Республикаси Президенти **Башар Асад**, Фаластин Давлати Президенти **Махмуд Аббос**,

Ўзбекистон Республикаси Президентининг Қ А Р О Р И

ИЧКИ ТУРИЗМ ХИЗМАТЛАРИНИ ДИВЕРСИФИКАЦИЯ ҚИЛИШГА ОИД ҚЎШИМЧА ЧОРА-ТАДБИРЛАР ТЎҒРИСИДА

Республика иқтисодиётида туризмни стратегик даражага кўтариш, ички туризм хизматларини диверсификация қилиш ва ҳажмини кескин кўпайтириш, фуқароларни мамлакатимизнинг туризм салоҳияти билан таништириш учун зарур шарт-шароитлар яратиш, тақдим этилаётган туризм хизматлари сифатини яхшилаш ва ҳажон бозорларида рақобатбардошлигини ошириш, туризм соҳасида фаолият юритаётган тадбиркорлик субъектла-

ри учун қўшимча имкониятлар яратиш, замонавий хизматлар инфратузилмасини жадал ривожлантириш, шунингдек, аҳолини иш билан таъминлаш ва уларнинг даромад манбаини кенгайтириш мақсадида:

1. Шундай тартиб ўрнатилсинки, унга мувофиқ **2022 йил 1 июндан бошлаб “Ўзбекистон бўйлаб саёҳат қил!”** дастури доирасида: жамоа шартномаларига иш берув-

чилар томонидан ходимлар учун йилига бир маротаба маҳаллий саёҳатга чиқиш имконини яратиш қондалари киритиладди;

саёҳат харажатларининг бир қисми иш берувчиларнинг бюджетдан ташқари жамғармалари маблағлари ва қонунчиликда тақиқланмаган бошқа манбалар ҳисобидан қоплаб берилadi.

(Давоми 2-бетда).



Фахр

ЎЗБЕКИСТОНЛИК ЁШ ИҚТИДОР ЭГАСИ ЖАҲОН ЧЕМПИОНИ БЎЛДИ

Грециянинг Родос шаҳрида шахматнинг рапид йўналиши бўйича болалар ва ўсмирлар ўртасида ўтказилган жаҳон чемпионатида ўзбекистонлик Умида Омонова ўз ёш тоифасида голибликка эришди.



Ҳамюртимиз ўн ёшли иштирокчилар орасидаги беллашувларда ана шундай муваффақиятга сазовор бўлди.

Ўн икки ёшли шахматчимиз Ҳумоюн Бекмуродов эса нуфузли мусобақанинг кумуш медалини қўлга киритди.

Жаҳон чемпионатида дунёнинг 40 давлатидан 330 нафардан ортиқ ёш шахматчилар қатнашди.

«Халқ сўзи».



